



বাংলাদেশ নির্বাচন কমিশন  
নির্বাচন কমিশন সচিবালয়

নম্বর- ১৭.০০.০০০০.০৩৪.৩৬.১৬.২৫-২১৩

তারিখ: ১৭ ভাদ্র ১৪৩২  
০১ সেপ্টেম্বর ২০২৫

**বিষয়: ত্রয়োদশ জাতীয় সংসদ নির্বাচনে দায়িত্ব পালনের জন্য ভোটগ্রহণকারী কর্মকর্তার প্যানেল প্রস্তুত।**

উপর্যুক্ত বিষয়ে নির্দেশিত হয়ে জানানো যাচ্ছে যে, ত্রয়োদশ জাতীয় সংসদ নির্বাচন উপলক্ষে ভোটগ্রহণকারী কর্মকর্তা অর্থাৎ প্রিজাইডিং অফিসার, সহকারী প্রিজাইডিং অফিসার ও পোলিং অফিসার নিয়োগের নিমিত্ত প্যানেল প্রস্তুত করার লক্ষ্যে বিভিন্ন অফিস/প্রতিষ্ঠান হতে কর্মকর্তা/কর্মচারীদের তালিকা সংগ্রহ করা প্রয়োজন।

**০২। প্যানেলে অর্ন্তভুক্ত করার শর্তাবলী:** জাতীয় সংসদ নির্বাচনে ভোটগ্রহণ কর্মকর্তা নিয়োগ প্রদানের লক্ষ্যে নিম্নরূপ শর্তাবলীর আলোকে প্যানেল প্রস্তুতসহ প্রাসঙ্গিক অন্যান্য কার্যক্রম সম্পাদনের জন্য মাননীয় নির্বাচন কমিশন সিদ্ধান্ত প্রদান করেছেন:

**(১) প্রিজাইডিং অফিসার:**

- (ক) সরকারি, আধা-সরকারি ও স্বায়ত্তশাসিত/আধা-স্বায়ত্তশাসিত অফিস ও প্রতিষ্ঠানের প্রথম শ্রেণির/প্রথম শ্রেণির পদমর্যাদা সম্পন্ন কর্মকর্তা, ক্ষেত্র বিশেষে দ্বিতীয় শ্রেণির কর্মকর্তা;
- (খ) সরকারি/সরকারি অনুদান প্রাপ্ত কলেজ/সমমানের মাদ্রাসার শিক্ষক, ক্ষেত্র বিশেষে ডেমনস্ট্রেটর/কর্মকর্তা;
- (গ) রাষ্ট্রায়ত্ত ব্যাংক, বীমা, কর্পোরেশন অথবা অনুরূপ কোন প্রতিষ্ঠানের প্রথম শ্রেণির পদমর্যাদা সম্পন্ন কর্মকর্তা, ক্ষেত্রবিশেষে দ্বিতীয় শ্রেণির পদমর্যাদা সম্পন্ন কর্মকর্তা;
- (ঘ) প্রয়োজনবোধে বেসরকারি ব্যাংক, বীমা অথবা নির্ভরযোগ্য যে কোন বেসরকারি বিশ্ববিদ্যালয়/শিক্ষা প্রতিষ্ঠানের সরকারি প্রতিষ্ঠানের অনুরূপ কর্মকর্তা/বেসরকারি বিশ্ববিদ্যালয়ের শিক্ষক/কলেজ শিক্ষক/প্রধান শিক্ষক/সহকারী প্রধান শিক্ষক/শিক্ষক;
- (ঙ) সরকারি/সরকারি অনুদান প্রাপ্ত উচ্চ বিদ্যালয়/মাধ্যমিক বিদ্যালয় সমমানের মাদ্রাসার প্রধান শিক্ষক/সহকারী প্রধান শিক্ষক, ক্ষেত্র বিশেষে সিনিয়র শিক্ষক।

**(২) সহকারী প্রিজাইডিং অফিসার:**

- (ক) সরকারি, আধা-সরকারি ও স্বায়ত্তশাসিত/আধা-স্বায়ত্তশাসিত অফিস ও প্রতিষ্ঠানের দ্বিতীয় শ্রেণির কর্মকর্তা/দ্বিতীয় শ্রেণির পদমর্যাদা সম্পন্ন কর্মকর্তা;
- (খ) সরকারি/সরকারি অনুদান প্রাপ্ত কলেজ/সমমানের মাদ্রাসার ডেমনস্ট্রেটর/ কর্মকর্তা;
- (গ) রাষ্ট্রায়ত্ত ব্যাংক, বীমা, কর্পোরেশন অথবা অনুরূপ কোন প্রতিষ্ঠানের দ্বিতীয় শ্রেণির/দ্বিতীয় শ্রেণির পদমর্যাদা সম্পন্ন কর্মকর্তা;
- (ঘ) সরকারি প্রাথমিক বিদ্যালয়/রেজিস্টার্ড প্রাথমিক বিদ্যালয়ের প্রধান শিক্ষক;
- (ঙ) প্রয়োজনবোধে বেসরকারি ব্যাংক, বীমা অথবা নির্ভরযোগ্য যে কোন বেসরকারি বিশ্ববিদ্যালয়/শিক্ষা প্রতিষ্ঠানের সরকারি প্রতিষ্ঠানের অনুরূপ বেসরকারি বিশ্ববিদ্যালয়ের শিক্ষক/কোন প্রতিষ্ঠানের দ্বিতীয় শ্রেণির/দ্বিতীয় শ্রেণির পদমর্যাদা সম্পন্ন কর্মকর্তা;
- (চ) সরকারি/সরকারি অনুদান প্রাপ্ত উচ্চ বিদ্যালয়/মাধ্যমিক বিদ্যালয়/সমমানের মাদ্রাসার প্রধান শিক্ষক/সহকারী প্রধান শিক্ষক/সিনিয়র শিক্ষক/শিক্ষক।

### (৩) পোলিং অফিসারঃ

- (ক) সরকারি, আধা-সরকারি ও স্বায়ত্তশাসিত/আধা-স্বায়ত্তশাসিত অফিস ও প্রতিষ্ঠানের কর্মচারী;
- (খ) সরকারি/সরকারি অনুদান প্রাপ্ত কলেজ/সমমানের মাদ্রাসার কর্মচারী;
- (গ) রাষ্ট্রায়ত্ত ব্যাংক, বীমা, কর্পোরেশন অথবা অনুরূপ কোন প্রতিষ্ঠানের কর্মচারী;
- (ঘ) সরকারি প্রাথমিক বিদ্যালয়/রেজিস্টার্ড প্রাথমিক বিদ্যালয়ের শিক্ষক;
- (ঙ) প্রয়োজন বোধে বেসরকারি ব্যাংক, বীমা অথবা নির্ভরযোগ্য যে কোন বেসরকারি অফিস/বেসরকারি বিশ্ববিদ্যালয়/ প্রতিষ্ঠানের উত্তরূপ শিক্ষক/কর্মচারী;
- (চ) সরকারি/সরকারি অনুদানপ্রাপ্ত উচ্চ বিদ্যালয়/মাধ্যমিক বিদ্যালয়/সমমানের মাদ্রাসার শিক্ষক/কর্মচারী।

**০৩। প্যানেল প্রস্তুতের প্রাথমিক কার্যক্রমঃ** সিনিয়র জেলা/জেলা নির্বাচন অফিসার তার আওতাধীন এলাকায় স্থাপিত সকল সরকারি/আধা-সরকারি/স্বায়ত্তশাসিত ও বেসরকারি অফিস, প্রতিষ্ঠান ও সংস্থার প্রধানদের নিকট হতে প্রিজাইডিং অফিসার, সহকারী প্রিজাইডিং অফিসার ও পোলিং অফিসার নিয়োগের উদ্দেশ্যে প্যানেল প্রস্তুতের জন্য শ্রেণি বা গ্রেডভিত্তিক কর্মকর্তা ও কর্মচারীদের তালিকা সংযুক্ত “ছক” মোতাবেক সরবরাহের জন্য অনুরোধ করবেন।

**০৪। কতিপয় ব্যক্তিকে প্যানেলে অন্তর্ভুক্ত না করাঃ** প্যানেল প্রস্তুতির ক্ষেত্রে গণপ্রতিনিধিত্ব আদেশ, ১৯৭২ এর ৯(১) (১খ) অনুচ্ছেদ অনুসরণ করতে হবে। তাছাড়া, যেসকল কর্মকর্তা/কর্মচারী/শিক্ষক/শিক্ষিকা সম্পর্কে সততা, দক্ষতা ও নিরপেক্ষতা নিয়ে বিতর্ক রয়েছে তাঁদেরকে ভোটগ্রহণকারী কর্মকর্তা হিসাবে নিয়োগের উদ্দেশ্যে প্যানেলভুক্ত করা যাবে না। এতদ্ব্যতীত কোন রাজনৈতিক দলের সদস্যকে কোন অবস্থাতেই প্যানেলে অন্তর্ভুক্ত করা যাবে না।

**০৫। প্যানেলে বিভিন্ন তথ্য অন্তর্ভুক্তকরণঃ** ভোটগ্রহণকারী কর্মকর্তার প্যানেল প্রস্তুত করার সময় সংশ্লিষ্ট কর্মকর্তা/কর্মচারীদের কর্মদক্ষতা, সততা, সাহস এবং নিরপেক্ষতার দিকে অবশ্যই লক্ষ্য রাখতে হবে। এক্ষেত্রে যথাসম্ভব তাদের পদমর্যাদা, জ্যেষ্ঠতা, বেতনস্কেল ও মূল বেতন বিবেচনা করতে হবে। প্যানেলে অন্তর্ভুক্তির সময় প্রয়োজনে ব্যক্তিগত বিষয়াদি যেমন-তীর বয়স, শারীরিক ও মানসিক অবস্থা বা অন্য কোন প্রাসঙ্গিক তথ্য সংগ্রহ করে তালিকায় চিহ্নিত করে রাখতে হবে। উল্লেখ্য যে, কোনক্রমেই চতুর্থ শ্রেণীর (জাতীয় বেতন স্কেলের গ্রেড ১৭-২০) কোন কর্মচারীকে ভোটগ্রহণ কর্মকর্তাদের প্যানেলে অন্তর্ভুক্ত করা যাবে না। তবে প্রিজাইডিং অফিসারের সহায়ক/নির্বাচন সংশ্লিষ্ট অন্যান্য দায়িত্ব প্রদানের নিমিত্ত চতুর্থ শ্রেণীর কর্মচারীদের নামের তালিকা উল্লিখিত ছকে সংগ্রহ করে পৃথক প্যানেল প্রস্তুত করতে হবে।

**০৬। ভোটগ্রহণ কর্মকর্তার প্যানেলে মহিলা ভোটগ্রহণ কর্মকর্তা অন্তর্ভুক্তিঃ** মহিলা ভোটকেন্দ্রে ভোটগ্রহণের উদ্দেশ্যে যথাসম্ভব মহিলা সহকারী প্রিজাইডিং অফিসার এবং পোলিং অফিসার নিয়োগের জন্য প্যানেলে পর্যাপ্ত সংখ্যক মহিলা শিক্ষক/কর্মকর্তা/কর্মচারী অন্তর্ভুক্ত করতে হবে।

**০৭। ভোটগ্রহণ কর্মকর্তার প্যানেল চূড়ান্তকরণঃ** ত্রয়োদশ জাতীয় সংসদ নির্বাচন উপলক্ষে সিনিয়র জেলা/জেলা নির্বাচন অফিসার কর্তৃক বিভিন্ন অফিস/প্রতিষ্ঠান হতে শিক্ষক/কর্মকর্তা/কর্মচারীর তালিকা সংগ্রহ করে ভোটগ্রহণ কর্মকর্তাদের প্যানেল চূড়ান্ত করতে হবে। উল্লেখ্য যে, ক্রমিক ২ এ উল্লিখিত শর্তাবলী অনুসরণপূর্বক নির্ধারিত সংখ্যার চেয়ে শতকরা ১০ ভাগ অতিরিক্ত সংখ্যক প্রিজাইডিং অফিসার, সহকারী প্রিজাইডিং অফিসার ও পোলিং অফিসারের প্যানেল প্রস্তুত করতে হবে।

**০৮। নির্বাচন সংশ্লিষ্ট অন্যান্য কাজে দায়িত্ব পালনকারীদের তালিকাঃ** ভোটগ্রহণ কর্মকর্তা নিয়োগের প্যানেল ছাড়াও নির্বাচন কমিশনের সিদ্ধান্ত অনুযায়ী, রিটার্নিং অফিসার/সহকারী রিটার্নিং অফিসার এর কার্যালয়, নিয়ন্ত্রণ কক্ষ, নির্বাচনি তথ্য/ফলাফল সংগ্রহ ও পরিবেশন কেন্দ্র, ভোটকেন্দ্র বা ভোটগ্রহণের পরিবেশ-পরিস্থিতি প্রতিবেদন সংগ্রহ ও অন্যান্য কার্য সম্পাদনের জন্য একটি পৃথক প্যানেল প্রস্তুত করতে হবে।



বর্ণিতাবস্থায়, উল্লিখিত নির্দেশনার আলোকে আসন্ন ত্রয়োদশ জাতীয় সংসদ নির্বাচন উপলক্ষে আগামী ৩০ অক্টোবর ২০২৫ এর মধ্যে ভোটগ্রহণ কর্মকর্তার প্যানেল প্রস্তুত করে নির্বাচন কমিশন সচিবালয়কে অবহিত করার জন্য নির্দেশক্রমে অনুরোধ করা হলো।

সংলগ্নী: বর্ণনা মোতাবেক

প্রাপক:

সিনিয়র জেলা/জেলা নির্বাচন অফিসার (সকল)

(মোহাম্মদ মনির হোসেন)

উপসচিব

নির্বাচন পরিচালনা-০২ অধিশাখা

ফোন: ৫৫০০৭৫২৫ (অফিস)

Email: [sasemc1@gmail.com](mailto:sasemc1@gmail.com)

নম্বর- ১৭.০০.০০০০.০৩৪.৩৬.১৬.২৫-২১৩

তারিখ: ১৭ ভাদ্র ১৪৩২  
০১ সেপ্টেম্বর ২০২৫

**অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ভিত্তিতে নয়):**

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা
২. প্রধান উপদেষ্টার মুখ্য সচিব, প্রধান উপদেষ্টার কার্যালয়, ঢাকা
৩. গভর্নর, বাংলাদেশ ব্যাংক, ঢাকা
৪. সিনিয়র সচিব, ..... মন্ত্রণালয়/বিভাগ (সকল)
৫. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৬. সচিব, ..... মন্ত্রণালয়/বিভাগ (সকল)
৭. পুলিশ কমিশনার, ঢাকা মেট্রোপলিটন পুলিশ, ঢাকা
৮. অতিরিক্ত সচিব, নির্বাচন কমিশন সচিবালয়, ঢাকা
৯. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
১০. বিভাগীয় কমিশনার, (সকল)
১১. পুলিশ কমিশনার, মেট্রোপলিটন পুলিশ (সকল)
১২. উপমহাপুলিশ পরিদর্শক, ..... (সকল রেঞ্জ)
১৩. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৪. যুগ্মসচিব (সকল), নির্বাচন কমিশন সচিবালয়, ঢাকা
১৫. আঞ্চলিক নির্বাচন কর্মকর্তা, (সকল) [নির্ধারিত সময়ে প্যানেল প্রস্তুত কার্যক্রম সম্পন্নের বিষয়টি নিশ্চিতকরণের অনুরোধসহ]
১৬. জেলা প্রশাসক (সকল)
১৭. পুলিশ সুপার, (সকল)
১৮. উপসচিব (সকল), নির্বাচন কমিশন সচিবালয়, ঢাকা
১৯. মাননীয় প্রধান নির্বাচন কমিশনার মহোদয় এর একান্ত সচিব, নির্বাচন কমিশন সচিবালয়, ঢাকা (মাননীয় প্রধান নির্বাচন কমিশনার মহোদয় এর সদয় অবগতির জন্য)।
২০. মাননীয় নির্বাচন কমিশনার জনাব ..... মহোদয় এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার মহোদয় এর সদয় অবগতির জন্য)।
২১. সিনিয়র সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সিনিয়র সচিব মহোদয় এর সদয় অবগতির জন্য)।
২২. উপজেলা নির্বাহী অফিসার, (সকল)
২৩. উপজেলা/থানা নির্বাচন অফিসার, (সকল)
২৪. অফিসার-ইন-চার্জ, (সকল থানা)

০১/০৯/২০২৫  
(মোঃ শহিদুল ইসলাম)

সিনিয়র সহকারী সচিব

নির্বাচন ব্যবস্থাপনা ও সমন্বয়-০১ শাখা

ফোন: ০২-৫৫০০৭৬১০ (অফিস)

Email: [sasemc1@gmail.com](mailto:sasemc1@gmail.com)